



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXV. De cultu immemorabili Beatæ Mariæ de Socos.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



Decretum  
3. de forma  
electionis  
vocalis in  
Domibus S.  
Silvestri, &  
S. Andreae  
de Urbe.

negotium fideliter peragatur, fraus, & omnis dolus inde sub nullitate, ac excommunicatio- nis latae sententiae poenis ipso facto incurrendis prohibita sint: Secundum vero, quod cum dictae Domus S. Silvestri, & San. Andreae duabus Provinciae, in quas tota Congregatio praefata dividitur, communes sint, & numerus Vocalium utriusque Provinciae aequalis esse debeat, ideoque dum aliquando altera alteram Provinciam numero Vocalium huiusmodi superat, necesse sit, aut aliqui voce activa, & passiva absque ulla ipsorum culpa destituti remaneant, aut Superior Generalis, ne cuiquam praedictum fiat, tot Religiosos per annum integrum dictis Domibus cum magno illarum incommodo non alio fine, nisi, ut Vocalium utriusque Provinciae numerus tempore electionis Vocalis pro Capitulo Generali sit aequalis, assignare teneatur. Ita in posterum fiat ut pro duabus electionibus in dictis Domibus fieri solitis Vocales omnes unius Provinciae, qui pro tempore in dictis Domibus reperientur, infirmul conveniant, illi quidem, qui erunt de Provincia, ex qua eo triennio fuit electus Praepositus Generalis in Domo S. Silvestri, alii vero alterius Provinciae in Domo Sancti Andreae, atque inibi unaquaque pars suum respective Vocalem pro Capitulo Generali huiusmodi eligat, ut ita absque ullo dictarum Domuum, & earum Vocalium incommodo Provinciarum aequalitas fervetur: Nobis propterea dicti Exponentes humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

Preces Praepositi Gen., & Consultorum.

§. 2. Nos igitur ipsos Exponentes specialibus favoribus, & gratis prosequi volentes, & eorundem singulares personas a quibusvis excommunicationibus, suspensionibus, & interdictis, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutos fore censentes, ac memoratae formae electionis Vocalium Capitulo Generalis, necnon praedictarum Clementis Praedecessoris literarum tenores, & alia quaecumque, etiam specificam, & individuum mentionem, & expressionem requirunt praesentibus pro plene, & sufficienter expressis; & insertis habentes huiusmodi supplicationibus inclinari, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepositorum consilio, Decreta praefata (sublata tamen dicta poena excommunicationis) auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus; salva tamen semper in praemissis auctoritate Congregationis dictorum Cardinalium.

Confirmatio trium re- latorum Decretorum, sub- blata tamen poena ex- communicatio- nis ex se- cundo.

Clausula.

§. 3. Decernentes easdem praesentes literas, semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam Canarium Palatii Apostolici Auditores, judicari, & definiri debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

§. 4. Non obstantibus praedictis Clementis Praedecessoris literis, aliisque praemissis, ac Constitutionibus, & Ordinationibus Apostolicis, necnon quatenus opus sit, dictae Congregationis Theatinorum, ejusque Provinciarum, & Domo-

rum Regularium, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentis ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum habeatur, quae ipsis praesentibus haberetur, si forent exhibitae, vel ostensa.

Datum Romae apud Sanctam Mariam Majorem sub Annul. Pise. die VIII. Jun. MDCXCVI. Pontificatus nostri An. Quinto.

Confirmatur Decretum Congregat. Rituum de cultu immemorabili B. Mariae de Socos Ord. Beatae Mariae de Mercede Redemptionis Captivorum.

LXXV.

Ab Inn. XI. Const. ed. 1687. Apr. 18. Pont. 11. concessa fuerunt officium, & Missa B. Petri Ar- mengol. Et ab hoc Pontifice Const. sequenti conceduntur Officium, & Missa praed. B. Mariae.

INNOCENTIUS PAPA XII.

Ad futuram rei memoriam.

Lias emanavit a Congregatione Venerabilium Fratrum nostrorum S. R. Ecclesiae Cardinalium Sacris Ritibus Praepositorum Decretum tenoris, qui sequitur videlicet: Barchinonen. Canonizationis B. Mariae de Socos Monialis professae Ordinis B. Mariae de Mercede Redemptionis Captivorum. -- Proposito in Congregatione ordinaria Sacror. Rituum per Eum, & Ratum D. Cardinalem Casanatam dubio: An constet de cultu immemorabili praestito dictae Beatae Mariae de Socos, & an Sententia super eo lata a Vicario Generali Barchinonen. Judice a praefata Sacra Congregatione Delegato sit confirmanda in casu, & ad effectum, de quo agitur: -- Eadem Sacra Congregatio audito Reverendiss. Archiepiscopo Myren. Fidei Promotore tam in scriptis quam in voce, Instante R. P. Magistro Fratre Martino Salvatore Gilaberte Vicario, ac Procuratore Generali praedicti Ordinis B. Mariae de Mercede huiusmodi Causae Postulatore, censuit constare de cultu Immemorabili, & Sententiam praedicti Vicarii Generalis Barchinonen. esse confirmandam, si Sanctiss. D. N. placuerit. Die 9. Februarii 1692. -- Et facta de praedictis Sanctiss. Dom. Innocentio PP. XII. per me Secretarium relatione Sanctitas Sua annuit die 13. ejusdem Mensis Februarii, & an. 1692. -- A. Cardinalis Cybo. Loco Sigilli. I. Vallemanus Sac. Rituum Congr. Seret.

Dat. 30. Junii  
1696. An. 5.

Decretum  
praedictum  
cum assensu  
Pontificis.

§. 1. Cum autem sicut dilectus Filius Bernardus Carignena, & Spenza Vicarius, & Procurator Generalis dicti Ordinis nobis nuper exponi fecit, ipse Decretum huiusmodi, quo firmus subsistat, Apostolicae confirmationis nostrae patrocinio communiti summopere desideret: Nos ipsius Bernardi Vicarii, & Procuratoris Generalis votis hac in re quantum cum Dom. possumus favorabiliter annuere volentes, eumque a quibusvis excommunicationibus, suspensionibus, & interdictis, aliisque Ecclesiasticis Sententiis,

Preces Pro-  
curatoris  
Gen.



Confirma-  
tio relati De-  
creti.

Clausula.

cenfuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinari, Decretum præinsertum auctoritate Apostolica tenore presentium approbamus, & confirmamus, illique inviolabilis Apostolicæ firmitatis robur adjicimus; salva tamen semper in præmissis auctoritate memoratæ Congregationis Cardinalium.

§. 2. Decernentes ipsas presentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Pisc. die XXX. Julii MDCXCVI. Pontificatus Nostri Anno Quinto.

LXXVI.

Confirmatur Decretum Congregat. Rituum de Officio, & Missa B. Mariæ de Socos Ordinis B. Mariæ de Mercede Redempt. Captiv. pro Religiosis utriusque sexus.

*Const. precedenti confirmatus fuit cultus immemorabilis. Et Const. sequenti conceduntur Officium, & Missa B. Petri Paschafii.*

Dat. 30. Junii  
1696. An. 5.

INNOCENTIUS PAPA XII.

*Ad futuram rei memoriam.*

**A**Lias ad supplicationem dilecti filii Bernardi Carignena, & Spenza Vicarii, & Procuratoris Generalis Ordinis Fr. B. Mariæ de Mercede Redemptionis Captivorum, & Causæ Canonizationis B. Mariæ de Socos Monialis dicti Ordinis Postulatoris emanavit a Congregatione Venerabilium Fratrum nostrorum S. R. E. Cardinalium Sacr. Ritibus præpositorum Decretum tenoris, qui sequitur, videlicet: Barchinonen. Canonizationis B. Mariæ de Socos Ord. Beata M. V. de Mercede Redemptionis Captivorum. Remisso Sacrorum Rituum Congregationi supplicii Libello a R. P. M. Fr. Bernardo a Carignena, & Spenza Vicario, & Procuratore Generali Ordinis B. M. V. de Mercede Redemptionis Captivorum, & hujusmodi Causæ Postulatore SSno D. N. porrecto, in qua humillime supplicabat Sanctitati Suae, ut de Beata Maria prædicta, de cujus cultu immemorabili die 9. Februarii anni 1692. cum subsecuta approbatione Sanctiss. die 13. ejusdem mensis, & anni fuit responsum constare; facultatem pro sua Religione recitandi Officium, & celebrandi Missam de Communi Virginum sub ritu semiduplici die 19. Septembris natalitio ejusdem Beatae singulis annis benigne concedere dignaretur; Sacra eadem Congregatio ad relationem Eminentiss., & Reverendiss. Dom. Card. Casanatæ Ponentis audito prius tam in scriptis, quam in voce Reverendissimo Archiepiscopo Myren. Fidei Promotore, omnibus bene perpensis, ac mature consideratis, gratiam petitam pro Religiosis utriusque sexus dicti Ordin. B. M. de Mercede tantum concedi

Decretum  
d. Congrega-  
tionis pro  
Officio, &  
Missa sub ri-  
tu semidupli-  
ci die 19.  
Sept. cum  
assensu San-  
ctissimi.

Preces Pro-  
curatoris  
Gen.

Confirma-  
tio relati De-  
creti.

Clausula.

posse censuit, si Sanctiss. D. Nost. videbitur die 2. Octobris 1694. -- Facta igitur deinde Sanctiss. Dno de prædictis per me Secretarium relatione, Sanctitas Sua benigne annuit die 9. ejusdem Mensis, & anni 1694. A. Card. Cybo. -- B. Inghirami Secretarius.

§. 1. Cum autem, sicut dictus Bernardus Vicarius, & Procurator Generalis Nobis nuper exponi fecit, ipse Decretum hujusmodi, quo firmius subsistat, Apostolicæ confirmationis nostræ patrocinio communiri summopere desideret: Nos ipsum Bernardum Vicarium, & Procuratorem Generalem specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinari, Decretum præinsertum, auctoritate Apostolica tenore presentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 2. Decernentes easdem presentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari; Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut earumdem presentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in Judicio quam extra illud habeatur, quæ ipsis haberetur presentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXX. Junii MDCXCVI. Pontificatus Nostri Anno Quinto.

Confirmatur Decretum Congregat. Rituum circa Officium, & Missam B. Petri Paschafii Martyr., & Episc. Giennen. Ord. B. M. de Mercede Redem. Captiv.

*Const. precedenti concessa fuere Officium, & Missa B. Mariæ de Socos. Et a Bened. XIII. Const. ed. 1728. Jul. 14. P. 5. confirmatur cultus immemorabilis B. Serapionis.*

INNOCENTIUS PAPA XII.

*Ad futuram rei memoriam.*

**A**Lias ad supplicationem dilecti filii Bernardi Carignena, & Spenza Vicarii, & Procuratoris Generalis Ordinis Fratrum B. Mariæ de Mercede Redemptionis Captivorum emanavit a Congregatione Venerabilium Fratrum Nostrorum S. R. E. Cl. Cardinalium Sacris Ritibus præpositorum Decretum tenoris, qui sequitur videlicet: Ordinis B. M. Virginis de Mercede Redemptionis Captivorum. Sacrorum Rituum Congregatio ad humillimas preces R. P. Magistri

LXXVII.

Dat. 6. Julii  
1696. An. 5.

Fratris